

SAK 02/16 ÅRSMELDING 2015

Saksopplysning

Årsmelding 2015 for Regionrådet for Hallingdal er lagt ved som eige vedlegg.


Forslag til vedtak

Hallingtinget godkjenner årsmeldinga for 2015.

Ål 18.4.2016

Knut Arne Gurigard
Dagleg leiar

Vedlegg: Årsmelding 2015



ÅRSMELDING 2015



Regionrådet for
HALLINGDAL

Innhald

1.	VEDTEKTER.....	3
2.	FORMÅL	3
3.	ORGANISERING	3
4.	MØTER/SAKER.....	4
5.	EINSKILDE SAKER.....	4
5.1	Strategisk plan for Hallingdal	4
5.2	Hallingdal 2020.....	4
5.2.1	Generelt.....	4
5.2.2	Ny merkevareplattform for Hallingdal.....	5
5.2.3	Hallingdalskonferansen.....	6
5.2.4	Kva skjer	6
5.2.5	Hallingambassadørar.....	7
5.2.6	Hallingdal Fotballklubb	7
5.2.7	Friluftslivetsår 2015	8
5.3	Hallingdal ungdomsråd (HUR).....	8
5.4	Hyttemessa	9
5.5	Samferdsel.....	9
5.6	Reiselivet.....	11
5.7	Partnerskapsavtale med Buskerud fylkeskommune	11
5.8	Regionalt næringsfond	12
5.9	Skjønmidlar til omstillingstiltak	12
5.10	Fjellnettverket	12
5.11	Breiband Hallingdal	13
5.12	Rekruttering til Hallingdal	13
5.13	Samhandlingsreforma, Hallinghelse	14
5.14	Vannområde Hallingdal	14
5.15	Felles rettssenter og forliksråd for Hallingdal	15
5.16	Utviklingsprogram for Byregionar, fase 2	16
5.17	Vidareutvikling av karrieresenter i Hallingdal	17
5.18	Nye Hallingdal sjukestugu	18
5.19	Statlege arbeidsplassar	18
5.20	Uttalar	18
6.	VERV	18
7.	PERSONELL.....	19
8.	ØKONOMI	19
9.	UTFORDRINGAR	19

1. VEDTEKTER

Vedtektene til Regionrådet for Hallingdal vart revidert i 2012, med handsaming på Hallingtinget 26.10.2012.

2. FORMÅL

Regionrådet for Hallingdal skal vere eit samarbeids- og interesseorgan for kommunane i Hallingdal. Rådet skal arbeide for utvikling av regionen med særleg vekt på nokre prioriterte satsingsområde.

Rådet skal også vareta interessene til regionen overfor fylke, stat og andre organ på region-, fylkes- og riksplan.

3. ORGANISERING

Hallingtinget er det øvste formelle organet i Regionrådet, med 5 representantar frå kvar kommune, der den eine er ordføraren. Dei andre representantane er leiar/nestleiar av hovudutval/sektorutval og/eller medlemmer av formannskapet. Ordførarane utgjør Regionrådet for Hallingdal.

Administrasjonssjefane i kommunane har møterett på Hallingtinget og blir kalla inn til møta med tale- og forslagsrett.

Hausten 2015 vart det valt nye representantar til Hallingtinget, for perioden 2015 – 2019.



Desse har utgjord Hallingtinget i 2015, fram til kommunevalet:

Hol	Ål	Gol	Hemsedal	Nes	Flå
Tony Arild Kjøl ordfører	Ivar Brevik ordfører	Hallvor Lilleslett, ordfører	Oddvar Grøthe ordfører	Tor Magnussen ordfører	Tor Egil Buøen ordfører
Ingjerd Almås Anfinset	Torhild Helling Bergaplass	Hanne Brunborg	Olav Støyten	Kjell Ålien	Karsten Ekeren
Solveig Håtveit Markegård	Harald Varlid	Tom Rune Skr. Blakkestad	Tove Eggen Lien	Endre Storhaug	Kristin Gullingsrud
Erik Kaupang	Ove Bråten	Ludvig Munkejord	Jan Egil Halbjørhus	Hildegunn Mikkelsplass	Ole Johnny Stavn
Hallvard Lilleslett	Ingeborg Kaslegard Frydenlund	Jon Anders Hefte	Marte Steimler Thorset	Geir Olav Brøto	Stian Bakken

Oddvar Grøthe er rådsordfører for perioden og Tor Egil Buøen er varaordfører

Hausten 2015 vart det valt nye representantar til Hallingtinget, for perioden 2015 – 2019.

Hol	Ål	Gol	Hemsedal	Nes	Flå
Petter Rukke ordførar	Solveig Vestenfor ordførar	Heidi Granli ordførar	Oddvar Grøthe ordførar	Tore Haraldset ordførar	Tor Egil Buøen ordførar
Sigrid Simensen Ilsøy	Dagfinn Bøygard	Halvor Lilleslett	Kjell Erik Skølt	Gerd Jorde	Kristin Gullingsrud
Matias Eide Sataøen	Torleif Dalseide	Svein Eide	Olav Støyten	Astrid Bratteded	Karsten Ekeren
Petter Braaten	Torhild Helling Bergaplass	Herbrand Jegleim	Maria Jartman	Endre Storhaug	Merethe Elisabeth Høntorp
Nina Dalen	Ole Egil Trinrud	Roger Toppen	Petter Owesen	Knut Jacob Larsen	Sigrid Ingeborg Gislerud

Oddvar Grøthe er rådsordførar for perioden og Solveig Vestenfor er varaordførar

4. MØTER/SAKER

I 2015 var det 3 møte i Hallingtinget og 11 saker vart handsama. Regionrådet hadde 9 møter og handsama 67 saker.

5. EINSKILDE SAKER


Av større enkeltsaker som Regionrådet har arbeida med i 2015:

5.1 Strategisk plan for Hallingdal

I 2012 vart det arbeid med revidering av [Strategisk plan for Hallingdal 2013 – 2016](#), som vart vedteke av Hallingtinget 26.oktober 2012.

Ut frå drøftingar i Hallingtinget og Regionrådet er det i Strategisk plan fokuserast på dei fire faktorane: bukvalitet/bulyst/blilyst, arbeidsmarknad, næringsliv og kunnskapsmiljø.

Hovudutfordringane er framtidig arbeidskraft og nye arbeidsplassar, der det blir ei spissing på bukvalitet/bulyst/blilyst. Retninga samsvarar svært godt med prosjektet Hallingdal 2020



5.2 Hallingdal 2020

5.2.1 Generelt

I mange samanhengar og i mange fora blir det drøfta og etterlyst felles strategiar og felles handlingar, for at Hallingdal skal møte framtida på best mogeleg måte. Dette er og tema som er sentrale i Strategisk plan for Hallingdal, og som Regionrådet for Hallingdal har høgt på dagsorden direkte og indirekte. Eit viktig tema har vore avklaringar og ynskje om ei sterkare og tydelegare profilering av Hallingdal som region. Dette blir sett på som grunnleggjande for det arbeidet Hallingdal sjølv må gjera, for utvikling av eigen region.

Strategisk plan for Hallingdal har m.a. som mål at kommunane i Hallingdal skal gjera kvarandre gode, med tiltak som m.a. går på vidareutvikle profilering/identitetsbygging. Bakgrunnen for dette er m.a.:

- Felles bu- og arbeidsmarknadsregion
- Felles kultur/identitet
- Felles utfordringar
- Felles budskap
- Felles plan (Strategisk plan for Hallingdal)
- Meir slagkraftig
- Ynskje om å vera tydelegare
- Ynskje om å byggje eit godt omdøme

Ut frå dette tok Regionrådet for Hallingdal initiativ til ei større samla satsing med tittelen ”Hallingdal 2020”. Regionrådet søkte om nasjonale bulystmidlar, og fekk full utteljing med eit tilskot på. 3.050.000.

Hallingdal er ein felles bu- og arbeidsmarknadsregion, der det m.a. gjennom prosjektet Hallingdal 2020 er eit mål å tydeleggjera og styrke Hallingdal sin posisjon, også som hovudferdselsåre og møteplass mellom Austlandet og Vestlandet. Hallingdal er også Norges største reiselivsregion. Dette gjer at me må legge til rette for både eigen arbeidskraft, arbeidsplasser og dei som besøker oss. Hallingdal 2020 handlar mykje om å skapa ein regionkultur. Denne kulturen skal hjelpe oss til å jobbe spissa mot definerte målgrupper for å klare å tiltrekke oss unge menneske som vil bu og arbeide i regionen.

Hovudretningar i prosjektet:

- Hallingdal tek ein posisjon – møteplassen mellom aust og vest
- Målgrupper i forhold til rekruttering;
 - o Ung Halling 15-25 år
 - o HytteHallingen
 - o Kvinne 28 år
- Verdier – leiken, ekta, ri og frisk

5.2.2 Ny merkevareplattform for Hallingdal

Vår nye merkevarplattform vart lansert 18.desember 2013. I 2014 har det vore arbeid aktiv for at merkevareplattforma skal nyttast av flest mogeleg, med eit planmesseig forankringsarbeid. Det at Hallingdal har fått ein felles logo betyr ikkje at den automatisk blir brukt. Etter vel to års med stort fokus på ny logo og heile merkevareplattforma kan me seia at me har gjort ein del rett og er på god veg. Logoen er i dag eit naturleg element både for Regionrådet og kommunane, men også i næringslivet og i ulike organisasjonar.

Etter vel eit år med stort fokus på ny logo og heile merkevareplattforma kan me seia at me er på god veg. Logoen er i dag eit naturleg element både for Regionrådet og kommunane, men også i næringslivet og i ulike organisasjonar. Samstundes er det viktig å understreke at eit slikt merkevarearbeid av ein heil region (place branding) ikkje er ein happening, men arbeid over tid. Dette er eit kontinuerleg arbeid som vil halde fram som ei prioritert oppgåve.

Sjølve profilen er eit avtrykk tå Hallingdal. Dette er våre fjell og våre fargar. Fargane speglar dei 4 årstidene, målarakunsten, bunadstradisjonar, handtverk og den friske og leikne hallingen. Logoen utfordrar deg te å utforske og oppdage nye ting – akkurat som i Hallingdal. Innimellom fjella kan du sjå ein H. H'en står for Hallingdal og den symbolisera og vise at Hallingdal er møteplassen mellom aust og vest.



Målsettinga for satsinga er m.a.:

- Styrke vår felles identitet gjennom ein tydeleg profil.
- Samordne merkevarebygging av regionen slik at Hallingdal blir så attraktiv og tydeleg som mogeleg i sin kommunikasjon.
- Styrke regionen som bu- og arbeidsmarknad, samtidig gi reiselivet og næringslivet i Hallingdal ein felles profil.
- Merkevareplattforma skal vera til bruk både for reiselivet, små og store næringsinteresser, lag og foreningar og offentlege verksemder i heile regionen.
- Oppnå ein vekslerknad mellom Hallingen sin identitet og kvalitet på produkt og tenester, frå og i Hallingdal. Dette vil i sin tur styrke merkevara og gjera den truverdige, i tillegg styrke heile regionen sitt omdømme.

I august lanserte [Regionrådet for Hallingdal](#) sine nye nettsider. Her var det heilt naturleg at den nye merkevareplattforma vart nytta og resultatet er eit godt døme på bruken av merkevara Hallingdal.

I 2015 har Regionrådet saman med Ål Utvikling AS og Nesbyen Turist og Næringssservice utvikla destinasjonsvariantar for desse to. Bakgrunnen er at destinasjonar i Hallingdal kan marknadsføre seg individuelt, samtidig som dei kan knytast opp mot Hallingdal og få ein meirverdi. Destinasjonsvariantane er laga med utgangspunkt i Hallingdal sin profil og fargepalett.



5.2.3 Hallingdalskonferansen

Konferansen vart arrangert for fyrste gong i 2013. I september 2015 vart [konferansen](#) arrangert for tredje gang og var eit vellykka treff for næringslivet i Hallingdal. HallingExpo er initiativtakar og Regionrådet for Hallingdal er medspelar og ser at konferansen støtter opp om satsingane i Strategisk plan for Hallingdal. Målet med den årlege konferansen er å skapa ein møteplass der næringslivet i Hallingdal og det offentlege samlast, for å drøfte dagsaktuelle tema og å få påfyll.

5.2.4 Kva skjer

Hallingdal har ikkje hatt noko felles verktøy som synleggjer kva som skjer i Hallingdal. Regionrådet tok initiativ til å etablere ein felles aktivitetskalender på nett, for heile Hallingdal. Her er det oversikt over alle aktivitetar i heile regionen og det kan registrerast eigne aktivitetar. Målet er enklare oversikt over det som skjer i Hallingdal, betre marknadsføring, høgare besøkstal og



betre styring på arrangement i regionen. Gjennom 2015 har det vore arbeid aktivt for å gjera kalenderen meir attraktiv og synleg.

5.2.5 Hallingambassadørar

Hallingdal treng ungdom, Hallingdal treng arbeidskraft, Hallingdal er avhengig av folk som vil besøke oss. Alle i Hallingdal vil kunne vera «seljarar» av regionen, men me treng større bevisstheit og motivasjon for at me faktisk er seljarar av eigen stad.

Hallingambassadørar er ungdom frå Hallingdal, som utmerkar seg innan idrett/kultur og som skapar positiv merksemd om Hallingdal, utanfor regionen. Det er ikkje nok med ein flott prestasjon, det må også koma tydeleg fram at regionseljaren er stolt over eigen stad.

Hallingambassadøren skal og vera gode førebilete for andre ungdommar. I tillegg skal utnemning til Hallingambassadør vera ei påskjøning.

Hallingdal har i perioden 2013-2015 hatt 13 Hallingambassadørar. Denne gjengen vart takka av med avslutning på Vestlia i desember. Det er planlagt at nye ambassadørar skal vera på plass fyrste halvår 2016.



5.2.6 Hallingdal Fotballklubb

For 2015 har det vore eigen samarbeidsavtale (sponsoravtale) mellom Hallingdal Fotballklubb (HFK) og Hallingdal representert ved: Hallingdal Kraftnett og Regionrådet for Hallingdal. Målsettinga er vidareføring av avatla for 2016.

Nytt av året er Hallingdal sin logo på alle drakter til spelarar og jakker til trenerar. På denne måten ynskjer vi å støtte ei viktig satsing på ungdom i regionen vår, gjennom å synleggjera at vi støttar HFK.



5.2.7 Friluftslivetsår 2015

Regionrådet var ein aktiv part i å samle alle destinasjonane i Hallingdal til ei felles satsing gjennom Friluftslivetsår 2015. Fleire arrangement vart gjennomført og i laurdagsavisa til Hallingdølen var det gjennom heile året ei kampanje med turtips frå alle våre destinasjonar.



5.3 Hallingdal ungdomsråd (HUR)

På Hallingtinget 28.april 2009 var eit tema ungdom, der det m.a. var ei drøfting med representantar frå dei kommunale ungdomsråda i Hallingdal. Eit av ynskja frå ungdomsråda var å få oppretta eit regionalt ungdomsråd, noko Hallingtinget ytra seg positivt til. I sak 44/09 gjorde Regionrådet vedtak om å støtte opprettinga av Hallingdal Ungdomsråd (HUR). Regionrådet rådde og til at rådet sitt årlege budsjett blir styrka med eit årleg beløp til drift av HUR, noko som no er ein del av budsjettet til Regionrådet. HUR har synt seg som eit svært aktivt råd og det blir helde årleg møte med Regionrådet. I tillegg er HUR et viktig organ for Hallingdal 2020 i arbeidet med rekruttering og profilering. Frå 2014 vart det gjort ei endring slik at prosjektleiar for Hallingdal 2020 også sekretær for HUR. I 2015 hadde HUR 8 møter. Som saker i 2015 kan nemnast legitimasjonskontroll for sal av alkohol og tobakk. Dette fekk stor merksemd og er eit viktig arbeid for å gjera ungdommane våre tryggare. HUR spelte også ein viktig rolle då ungdommar i Hallingdal for fyrste gong møttes for å drøfte kommunereforma.



5.4 Hyttemessa

Kvart år blir det arrangert ei stor hyttemessa på Exporama Senteret på Hellerudsletta utanfor Oslo. Hallingdal har i alle år vært godt representert, men aldri stått samla. I framkant av messa våren 2015 tok Regionrådet ved Hallingdal 2020 initiativ etter førespurnad frå næringa, til at Hallingdal skulle stå samla. Hallingdal vart med dette ein av dei verkeleg store aktørane under messedagane og fekk stor merksemd. Hallingdal fekk her eit viktig ansikt utad og møter eit viktig publikum, hyttehallingen. Frå næringa har det vore eit sterkt ynskje at tiltaket blir vidareført og utvida i 2016.



5.5 Samferdsel

Generelt

Samferdsel har vore og er framleis ei prioritert oppgåve. Arbeid som har kravd ressursar har i fyrste rekkje vore i forhold til arbeidet med oppfølging av Nasjonal Transportplan (NTP) som vart vedteken i Stortinget juni 2013. I dette arbeidet er hovudvegane gjennom Hallingdal og Bergensbanen viktige tema.

Hallingtinget står fast ved tidlegare prioriteringar i forhold til vegar:

- Standardheving av vegar som til dels er sterkt nedkøyrt
- Vegpakke Hallingdal, strekninga Ørgenvika – Gol
- Ny veg Rv.52 Gol – Robru
- Utbygging av E16 Sandvika – Hønefoss
- E16 mot Gardermoen, med strekninga Olum – Eggemoen

Arbeidet med NTP er ein evigvarande prosess der arbeidet med grunnlagsdokument for NTP 2018 – 2029 i stor grad skjedd i 2015, og der det er påverka etter beste evne.

Hovudvegsamband aust – vest

I 2014 starta Statens vegvesen arbeidd med ei utgreiing om vegsambanda aust – vest. I januar 2015 la SvV fram si strategiske utgreiing. Føremålet har vore å analysere funksjon og kva dei ulike aust - vest sambanda har å seie no og fram mot 2050. Utgreiinga skulle gje grunnlag for å forslå ein strategi for utvikling av aust – sambanda, og å prioritere mellom sambanda, samt grunnlag for å vurdere behovet for KVU av enkelte samband/korridorar. Statens vegvesen foreslo at E134 og Rv52 skulle veljast som hovudvegsamband mellom Austlandet og Vestlandet.

I sak 01-15 handsama Hallingtinget uttale til utgreiing om vegsambanda mellom Austlandet og Vestlandet. Hallingtinget sitt vedtak pkt.1:

Hallingtinget ser på Rv7 Hardangervidda og Rv52 som likeverdige vegar som begge treng vesentleg standardheving og tiltak for å vera reelle vintersikre vegar. På denne bakgrunn støttar Hallingtinget forslaget om at Rv7/Rv52/ E16 er eit av hovudvegsambanda mellom Austlandet og Vestlandet, men kan på ingen måte akseptere at Rv7 Hardangervidda ikkje er prioritert som ein av hovudvegane.

Gol og Hemsedal kommune hadde protokolltilførsel til saka med følgjande ordlyd i det punktet det var vesentleg usemje om:

1. Hallingtinget støtter at den nordlege hovudvegen skal vera Rv7/Rv 52 over Hemsedalsfjellet

Samferdselsdepartementet la fram sitt forslag/avgjerd om vidare arbeid med strategi og prioritering for hovudsambanda for veg mellom Austlandet og Vestlandet 18.12.2015. Endeleg avgjerd vil bli teke ved handsaming av Nasjonal transportplan 2018-2029.

Hovudkonklusjonane til regjeringa er:

- Regjeringa følgjer Statens vegvesen si tilråding med at E134 skal vera eit av hovudsambanda. Arm til Bergen (Odda – Bergen, Hordalandsdiagonalen) som Statens vegvesen hadde med i si tilråding, er ikkje vurdert i denne omgang. Avgjerd vil bli teke av Stortinget i samband med NTP, om dette alternativet skal greiast ut vidare.
- Statens vegvesen si tilråding for det andre hovudsambandet var Rv52. Her var departementet meir usikker og bad Statens vegvesen om at det skal gjerast vidare utgreiingar av om Rv7 eller Rv52 skal vera det andre hovudvegsambandet mellom Austlandet og Vestlandet. Det skal utarbeidast ei konseptvalutgreiing (KVU) for strekninga Gol-Voss. KVU skal vera ferdig slik arbeidet/konklusjonane kan takst med i samband med stortingsmelding NTP 2018 – 2029 som skal vera klar tidleg i 2017.

KVU Rv7 Hardangervidda

Rv7 over Hardangervidda og vinterbrøyting på strekninga Haugastøl til Sysendalen har det vore diskusjonar om i mange år. Problemstillingane har vore ut frå to tilnærmingar:

- Regularitet, behov for vinteropen veg
- Villrein

Regional plan for Hardangervidda for 2011-2025, vart vedteken av dei tre fylkeskommunane Telemark, Hordaland og Buskerud hausten 2011. Ut frå det som var sagt tidlegare frå regjering/storting og at dei tre fylkeskommunane har kvittert ut med ein samstemt fylkesdelplan, var det forventningar om at det vart sett i gang ein KVU-prosess for nærare avklaring for Rv7 Hardangervidda. Tiltak om KVU Rv7 Hardangervidda vart lagt inn i vedteken NTP 2013 – 2024.

KVU- arbeidet starta opp i 2014 og KVU Rv7 over Hardangervidda var klar i oktober 2015. Med bakgrunn i vedtak om KVU Gol – Voss for Rv7/Rv52 vart prosess med høyring og ekstern kvalitetssikring stoppa.

Ringeriksbanen og E16 Sandvika - Hønefoss

2014 var eit bra år for Ringeriksbanen og E16 Skaret – Hønefoss. Den positive utviklinga for desse to svært viktig prosjekta, også for Hallingdal, held fram i 2015. Jernbaneverket og Statens vegvesen har i fellesskap utgreidd korleis Ringeriksbanen og E16 Skaret – Hønefoss kan planleggjast og byggast.

9. juni oppheva Stortinget sitt tidlegare vedtak om Åsa-traseen for Ringeriksbanen slik at ny trase over Kroksund kan veljast.

I august 2015 fekk Jernbaneverket og Statens vegvesen klarsignal til å begynne planlegginga, med mål om anleggsstart for både veg- og baneprosjektet i 2019. Og som det stod i pressemeldinga frå Regjeringa 30.8.2015: «Ringeriksbanen og E16 skal binde

Ringeriksregionen sammen med Osloregionen, reiselivsstedene i Hallingdal bindes tettere mot Østlandet og Oslo og Bergen kommer én time nærmere hverandre i reisetid».

Vanlegvis har det i Norge teke om lag ti år å planlegge store samferdselsprosjekt, før bygging kan starte. Ved å gjennomføre som statleg plan, gå rett på reguleringsplan og svært bevisst haldning til redusert planleggingstid, er planleggingstida nærast halvert.

Med god framdrift vil opning Ringeriksbanen og E16 Skaret – Hønefoss kunne skje i 2024.

5.6 Reiselivet

Turistnæringa er ei av dei viktigaste næringane i Hallingdal, og er eit satsingsområde for alle kommunane i regionen. Ut frå dette er og turistnæringa eit prioritert innsatsområde for Regionrådet for Hallingdal. I 2015 er det løyvd midlar til Sykkelprosjekt Tråkk`N`Roll og profileringsprosjekt langrenn, der alle 6 destinasjonsselskapa er med. Ulrikke Ytteborg er med i styringsgruppene for begge prosjekta.

[Tråkk`N`Roll](#) er eit utviklingsprosjekt for terrengsykling. Prosjektet har som mål å skapa vekst i Hallingdal gjennom utvikling av terrengsykkeltilbodet. Dette er ein marknad som er i kraftig vekst både i Norge og internasjonalt. I Hallingdal er det svært gode mogelegheiter for utvikling terrengsykkeltilbodet som blir vurdert som eit viktig bidrag til sumarturismen



Gjennom heile 2015 har arbeidsgruppa med Lars Wraae Jensen som prosjektleiar arbeidd godt.

Langrennsprosjektet

Hallingdal har i dag eit omfattande og godt utvikla løypenett som blir vurdert å ha stort potensiale på tvers av kommunane.

Hallingdal har noko av det beste skiløypenettet i landet, og me har og mange årlege og store skiarrangement. Dette må synleggjerast og utviklast. Interesse for langrenn og turski er stor, og stadig aukande både i Norge og i utlandet.

Med dette som bakgrunn vart langrennsprosjektet etablert og er i dag eit tett samarbeid mellom alle dei 6 destinasjonane i Hallingdal. Prosjektet er eit profileringsprosjekt, og ikkje eit produktutviklingsprosjekt. Gjennom året har prosjektet etablert www.hallingspor.no, laga ei felles brosjyre som viser løypenettet i regionen vår og arbeidd aktivt med www.skisporet.no for å bli meir synleg og eit «saumlaust» løypeområde i Hallingdal.



5.7 Partnerskapsavtale med Buskerud fylkeskommune

Buskerud fylkeskommune har sidan 2004 hatt partnerskapsavtale og gjennomføringsavtale med regionråda i Buskerud. Tidlegare avtalar gikk ut i 2012, men vart forlenga ut 2014.

Ordninga med partnerskapsavtalar og regionale utviklingsmidlar vart evaluert i 2012.

Her kom det tydeleg fram at ordninga i hovudsak har fungert godt, men at det var grunnlag for forbetringar. Ut frå dette er det etablert ny partnerskapsavtale for perioden 2015 – 2016, i den nye avtala er samarbeidsområda utvida til også gjelde utdanning- og samferdselsområdet.

For 2015 løyvde Buskerud fylkeskommune kr. 2.470.000 til gjennomføringsavtala. I tillegg var det rest og ubrukte midlar frå tidlegare år på kr. 3.396.362. Løyvde midlar i 2015 var på kr. 4.070.000, slik at rest pr. 31.12.2015 var kr. 1.811.362.

Det er løyvd midlar til følgjande tiltak i 2015:

- Sykkelprosjekt Hallingdal og profileringsprosjekt langrenn (endring av vedtak 46-14)	kr. 670.000
- Hallingdal Etablerersenter	kr. 285.000
- Norse Valley AS	kr. 300.000
- Nasjonalt senter for ull og får	kr. 180.000
- «Småmat og lefsekling – nye nasjonale matskattar»	kr. 100.000
- «Folkesong i Hallingdal»	kr. 150.000
- Vidareføring, regional kulturkoordinator Hallingdal	kr. 560.000
- Fagsenter for Nasjonalromantikken	kr. 425.000
- Hått Halling	kr. 100.000
- Yrkesmessa 2015	kr. 460.000
- Vidareføring og utvikling av bærekraftige terrengsykkeltilbod i Hallingdal	kr. 400.000
- Vidareføring av Hallingdal sitt langrennsprosjekt i 2016	kr. 200.000
- «Sau i fleire fjøs»	<u>kr. 225.000</u>
SUM	<u>kr. 4.070.000</u>

5.8 Regionalt næringsfond

Det er bygd opp midlar i eit regionalt næringsfond, som har fått statlege midlar i 2006 -2008 og 2010 – 2013, i tillegg fylkskommunale midlar i 2014. Ubrukte midlar pr. 31.12.2014 er kr. 9 007666. Etter avtale med Buskerud fylkeskommune skal desse midlane vera nytta innan utgangen av 2019. I økonomiplan 2016 – 2019 er det føresett å nytte 1,8 mill. årleg frå regionalt næringsfond, for å medverke til gjennomføring av vedteken Strategisk plan for Hallingdal.

Det vart løyvd midlar til følgjande tiltak i 2015:

- Tour of Norway 2015,	kr. 150.000
- Statlege arbeidsplassar	kr. 50.000
- Byregionprogrammet	<u>kr. 1.520.000</u>
Sum	<u>kr. 1.690.000</u>

5.9 Skjønmidlar til omstillingstiltak

For 2015 vart det ikkje løyvd skjønsmidlar til omstillingstiltak utover arbeid med kommunereforma.

5.10 Fjellnettverket

Tidlegare Fjellregionsamarbeidet skifta i 2014 namn til Fjellnettverket. Nettverket er eit regionalpolitisk samarbeidsnettverk for kommunar, regionråd og fylkeskommunar i Sør-Norge, der fjellområda er ein viktig del av ressursgrunnlaget og føresetnadane for næringstilpassing, kultur og livsvilkår.

Måla og arbeidsområda for Fjellnettverket er:

- Vera pådrivar for å skapa ein ny fjellpolitikk i Norge og medspelar i norsk regionalpolitikk.
- Kunnskapsformidling om nasjonale og internasjonale tema

- Politikutforming internasjonalt og deltaking i Euromontana

Fjellnettverket har vore pådrivar for ei ekstra nasjonal satsing for fjellområda. I statsbudsjetta for 2013 – 2016 har det årleg vore sett av 10 mill. kroner til satsinga. Regjeringa legg opp til ei satsing over fem år for å styrkje grunnlaget for næringsutvikling og verdiskaping i fjellområda. Midlane skal nyttast til innsats på tvers av fylkeskommunane og bidra til nettverksbygging, auka kompetanse og innovasjon i fjellområda.

Frå 1.4.2016 skal det etablerast eit permanent kontor for Fjellnettverket. På rådsmøte 5.juni 2015 vart det vedteke at Buskerud fylkeskommune får ansvaret for kontoret for Fjellnettverket, med kontorstad Geilo.

5.11 Breiband Hallingdal

Dei siste åra er det investert mykje i breibandutbygging i Hallingdal, der Hallingdal Kraftnett har stått for store delar av utbygginga, og har til no brukt over 100 mill. kroner. I eit samarbeid med Regionrådet for Hallingdal har utbygginga utløyst i underkant av 10 mill. kroner i statlege og fylkeskommunale løyvingar. I tillegg nådde Hallingdal ved Regionrådet fram med sin søknad om midlar til breibandutbygging i 2015. Av ein nasjonal pott på 110 mil. har Hallingdal fått tilsagn om 5,6 mill. Av totalt 172 søknadar var det løyvd midlar til 32. Totalt omhandlar søknaden 11 delområde med ein budsjettert anleggskostnad på 15 mill. (tilskot 37% av anleggskostnad). Finansieringa er baser på fire bidragsytarar:

- Lokal off. finanisering, lokal off. eigeninnsats
- Lokale private finans, lokal privat eigeninnsats
- Eigenandel utbyggjar
- Staten

Utbygging av hovudnettet i Hallingdal er for det meste gjennomført. Det har også vorte gjennomført store prosjekt for å sikre/betre konkurransen i ulike område, til det beste for forbrukar/kunde. Det er gjennom prosjektet avdekkja utfordringar og manglar i Telenor sitt koparnett, som det på ulike måtar blitt prøvd løyst.

Sjølv om Hallingdal no har rimeleg god breibanddekning er det rimeleg klart at framtidige behov og utviklinga i marknaden, vil krevja langt høgare kapasitetar i framtida.

Også ved ei vidare utbygging er det grunn til å tru at det må til eit spleiselag mellom stat, regionale aktørar og kommunar, der marknaden ikkje er drivkraft nok for utbyggingane.

5.12 Rekruttering til Hallingdal

Det blir arbeidd aktivt i forhold til å sikre stabil arbeidskraft. Det er til dels store vanskar med å rekruttere arbeidskraft med fagutdanning og utdanning på høgare nivå. Dette er ein trussel i forhold til både dei offentlege tenestene og utviklinga av næringslivet.

For å møte desse utfordringane blir det arbeidd med løysingar på tvers av kommunegrensene og styrking av samarbeidet både i privat og offentleg sektor. I denne samanheng er satsing på ungdom ein av dei viktigaste strategiane. Partnerskapsavtale med Buskerud fylkeskommune legg vekt på desse forholda.

Regionrådet har rekruttering til Hallingdal som et prioritert arbeidsområde. I denne sammenheng er det fleire tiltak/prosjekt som støttar opp om ei slik satsing, som:

- Ungt Entreprenørskap
- Yrkesmessa
- Hallingdal 2020
- Hallingdal Ungdomsråd
- Byregionprogrammet

5.13 Samhandlingsreforma, Hallinghelse

Hallinghelse er vidareføring av samhandlingsprosjekt i Hallingdal i perioden 2009 –2014. Prosjekt lokalmedisinske tenester i Hallingdal vart i hovudsak finansiert med statlege midlar og var eit samarbeid mellom dei seks Hallingdalskommunane og Vestre Viken HF. Sluttrapporten frå prosjektet finn du [her](#).

Sluttrapporten vart handsama i alle kommunestyre i Hallingdal hausten 2014 og det vart gjort likelydande vedtak basert på styringsgruppa sitt framlegg, som du kan sjå [her](#). Dette er ein kortversjon av vedtaket som ligg til grunn for Hallinghelse:

1. Det vert oppretta fylgjande stillingar:
 1. Samhandlingsleiar i fast ½ stilling. Stillinga skal evaluerast etter tre år.
 2. Folkehelsekoordinator i ½ prosjektstilling for ein periode på tre år.
 3. Interkommunal koordinator for kompetane, læring og meistring i fast, ½ stilling. Denne skal også evaluerast etter tre år.
2. Arbeidet med intermediaærvdeling ved Hallingdal sjukestugu skal vidareførast av ei eiga arbeidsgruppe og i samsvar med inngåtte avtaler.
3. Det vert oppretta eit interkommunalt råd for kompetanse, læring og meistring med deltaking frå Vestre Viken HF. Rådet får sitt mandat frå Lokalt samarbeidsutval (mellom kommunane i Hallingdal og Ringerike sjukehus)
4. Den interkommunale folkehelsegruppa vert vidareført med mandat frå rådmannsutvalet.
5. Det vert etablert eit interkommunalt demensteam som skal samarbeide med Vestre Viken HF og som får sitt mandat frå helse- og omsorgsleiarforum.
6. Psykiatrikoordinatorgruppa vert vidareført som eit samhandlingsorgan innan psykisk helse og rus mellom kommunane og med representantar frå Vestre Viken HF. Gruppa får sitt mandat frå Lokalt samarbeidsutval.

Det er tilsett felles samhandlingsleiar i 50% fast stilling med oppstart 01.10.2015, felles folkehelsekoordinator i 50% stilling i tre år frå 1/7-2015 og felles KLM-stilling fast frå 10.08.2015.

Stillingane ligg under rådmannen i Ål si leiing. Samhandlingsleiar har eit koordinerande ansvar for stillingane og er rådmannen sin kontaktperson

5.14 Vannområde Hallingdal

EU sitt rammedirektiv for vatn vart implementert i Norge gjennom den nye vassforskrifta som trådte i kraft 1.1.2007. Vassforskrifta gir overordna mål og føringar for å sikre god miljøtilstand, der forvaltningsplanar med tiltaksprogram skal vera vedteken ved utløpet av 2015, og måla skal vera nådd innan 2021. Det er gjort ei nasjonal inndeling av vassregionar (VRN), der Hallingdal høyrer til VestViken vassregion, som er ei administrativ eining. Vest-Viken er delt inn i 18 vassområde, der Hallingdal inklusive Krødsherad er definert som Hallingdal vassområde. Vassområdet har levert ei analyse til vassregionen, den seier noko om korleis tilstanden i vatnet i Hallingdal er, kva påverknadar vi har og kva tiltak som må

gjennomførast for enten å oppretthalde eller forbetre tilstanden. Hallingdal si lokale tiltaksanalyse har gått inn som ein del av den [regionale forvaltningsplanen](#) for Vest-Viken. Det er viktig å merke seg at den regionale planen vil bli førande for kommunane og andre sektorar sine aktivitetar når den er godkjent av Kongen i statsråd.

I Hallingdal er det mykje reint og godt vatn. Det er noko forureining frå landbruk i enkelte område, enkelte problem med reinseanlegg i nokre få område og noko større avrenning frå spreidd avløp – spesielt i hytteområder. Ei systematisk og samkøyrte opprydding innan spreidd avløp vil bli ei av dei viktigaste oppgåvene for kommunane i Hallingdal innan vatn- og miljøfronten dei neste åra. Den største belastninga på vatnet i Hallingdal er vasskraft. I perioden frem mot 2021, som er tidspunktet for å nå måla etter vassforskrifta, må kommunane i Hallingdal gjera tiltak innanfor landbruk og ha fokus på opprydding i spreidd avløp. I tillegg vil arbeid med miljøtiltak i regulerte vassdrag og revisjonar av konsesjonar vera viktig. Det blir viktig at kommunane vurderer kva nye inngrep eller utbygging vil ha å si for vassmiljøet i Hallingdal, dette gjeld spesielt utviklinga av nye hytteområder og fortetting, og småkraftutbygging.

Fylkeskommunane Oppland, Telemark, Buskerud, Vestfold, Aust-Agder, Hordaland, Sogn og Fjordane og Akershus har vedteke Regional plan for vannforvaltning i vannregion Vest-Viken 2016-2021. Følgjande dokument dat. 2.11.2015 er vedteke:

- Regional plan for vannforvaltning i vannregion Vest-Viken 2016-2021
- Handlingsprogram for vannregion Vest-Viken 2016
- Regionalt tiltaksprogram for vannregion Vest-Viken 2016-2021

[Vedteken regional plan](#) er sendt til sentral godkjenning. Fylkeskommunane ber departementet om å godkjenne planen i tråd med fylkeskommunane sine vedtak.

Vassområde Hallingdal har vore organisert med ein delt prosjektleiar i 50 % stilling fire år frå mai 2011, Valdres vassområde har dei resterende 50 %. Stillinga vart i fyrste omgang forlenga til å vare ut 2015, med ekstra midler fra kommunane og fylkeskommunen.

Frå 2016 er ein over i driftsfase. Den regionale planen vil bli vedteken av Kongen i statsråd og vil retningsgjevane for kommunane sin areal- og vassforvaltning fram til 2021. Rullering av planen startar opp i 2016/17. Oppgåver vassområdet må løyse i perioden 2016-2021 er i stor grad oppgåver som er pålagt kommunen i eksisterande lovverk.

Vannforskriftens § 25.(*tiltaksprogram*) seier at tiltaka i den regionale forvaltningsplanen skal vera operative seinast tre år etter at tiltaksprogrammet er vedteke. Ut frå dette har kommunane forlenga prosjektet ut 2018, for å sørge for at vassområde er sikra ei leing som kan følgje opp gjennomføring av planen.

Vassområde Hallingdal held fram med same organisering som har vore sidan 2011, med ordførarane som styringsgruppe og eigen prosjektleiar i 50% stilling.

5.15 Felles rettssenter og forliksråd for Hallingdal

Regionrådet for Hallingdal har engasjert seg i eit arbeid for å sjå på moglegheitene for å etablere eit felles rettssenter for Hallingdal, der det og blir lokalisert eit felles forliksråd.

Regionrådet for Hallingdal støttar arbeidet med å samlokalisere tingrett og jordskifterett til eit felles rettssenter for Hallingdal.

I sak 57/15 gjorde Regionrådet for Hallingdal slikt vedtak:

«Regionrådet for Hallingdal ynskjer etablering av felles rettssenter for Hallingdal. Regionrådet ser det som svært viktig i det vidare arbeidet, at Hallingdal står samla, og støttar etablering av felles rettssenter i Nesbyen. Dette er og i tråd med tilråding frå Hallingdal tingrett og Øvre Buskerud jordskifterett om samlokalisering ved dagens tinghus i Nesbyen.»

Domstolsadministrasjonen hadde i utgangspunkt eit klart ynskje om fjerne tingretten frå Hallingdal. Det vart i denne fasen gjort ei godt arbeidd mot Stortinget frå mange.

Justiskomiteen handsam saka 30.nov.2015 i samband med budsjett:

«Komiteens flertall, medlemmene fra Høyre, Fremskrittspartiet og Kristelig Folkeparti viser til Prop. 1 S (2015-2016) hvor det foreslås sammenslåing av flere tingretter. Flertallet viser til at det kan foreligge gode grunner for sammenslåing av enkelte tingretter, som Nordhordland og Bergen tingrett som er lokalisert i samme bygg, samt felles ledelse ved Kongsberg og Eiker, Modum og Sigdal tingrett. Disse prosessene kan gjennomføres. De øvrige omtalte sammenslåingene i proposisjonen gjennomføres ikke. Flertallet viser til at det er en del uro knyttet til endel flere av de andre foreslåtte sammenslåingene som er omtalt i proposisjonen, samt de foreslåtte sammenslåingene som Domstolsadministrasjonen (DA) har varslet. Flertallet viser til DA sin uavhengige rolle og dertil fagansvar for videre utvikling av struktur i domstolene. Flertallet har likevel ingen intensjon om å gjennomføre flere sammenslåinger nå, og peker blant annet på at det kommer en påtalsreform som vil kunne få betydning for domstolene struktur. Flertallet peker videre på at hensyn til rettsikkerhet, fagmiljø og rekruttering er vesentlige faktorer som kan påvirke fremtidens tingrettstruktur. Dersom man lokalt ønsker endringer i strukturen må det gjennomføres en prosess der det er gode diskusjoner og prosesser lokalt knyttet til sammenslåinger. I dette arbeidet er det viktig å sikre at både kommunene og ansatte i domstolene involveres på en god måte. Dersom man etter en slik prosess oppnår lokal enighet, har flertallet ingen motforestillinger mot en sammenslåing.»

Dette er eit godt døme på at semje internt kan gje god argumentasjon og stor styrke mot t.d. sentrale styresmakter.

Det blir no arbeidd med klart mål å etablere felles rettssenter på Nesbyen.

5.16 Utviklingsprogram for Byregionar, fase 2

Kommunal- og moderniseringsdepartementet (KMD) har etablert eit utviklingsprogram for byregionar (Byr). Gjennom programmet ynskjer departementet å legge til rette for positiv utvikling i byregionar i heile landet. 33 byregionar vart teke opp i programmet si fase 1, deriblant Hallingdal.

Byregionprogrammet skulle i fase 1 auke kunnskapen om samspel mellom by og omland og regionane sitt næringsmessige potensiale og vekstkraft. Det er eit mål at den auka kunnskapen skal bidra til strategiar og tiltak som styrkar heile regionen.

Det overordna og langsiktige målet for arbeidet i Hallingdal er å skapa ein moderne og utviklingsorientert region og utvikle alle delar av Hallingdal med attraktive tettstader, som er klar til å møte framtidens mogelegheiter og utfordringar.

Menon AS vart engasjert til å gjennomføre ei samfunnsanalyse for Hallingdal. Denne ([«For egen maskin»](#)) vart slutført i mars 2015.


Hallingtinget (sak 05/15) og dei einskilde kommunane i Hallingdal handsama sak om eventuell deltaking i fase 2, og var samstemte om å søkje om deltaking.

Formålet for fase 2 er at deltakarane skal koma fram til og setja i verk lokalt forankra strategiar og tiltak innanfor eit tema/samfunnsområde med utgangspunkt i det økonomiske samspelet mellom byen og omlandet for å fremje økonomisk vekst i regionen.

Regionrådet for Hallingdal utarbeida søknad med [prosjektplan](#) og vart i juni 2015 tildelt ei ramme på kr. 2.680.000 frå Kommunal- og moderniseringsdepartementet (KMD) til utviklingsprogrammet for byregionar fase 2.

Hovudmålet med prosjektet for Hallingdal er å utvikle nye type arbeidsplassar, som er lønsame og attraktive for yngre menneske med høgare utdanning og fagutdanning.

Prosjektet har ei total ramme på 6,6 mill. kroner og skal vera avslutta i 2017.



På Hallingtinget si samling 29-30.oktober 2015 var Byregionprogrammet hovudtema, oppsummering er [her](#).

5.17 Vidareutvikling av karrieresenter i Hallingdal

Buskerud fylkeskommune har sett i gang eit arbeid for utvikling av karrieresentra i Buskerud. Målsettinga med karrieresentra er å gi tilbod om karriererettleiing til den vaksne delen av befolkninga og gi rettleiing til ungdom som ikkje er i skula. Karrieresentra saman med aktuelle samarbeidspartar er tenkt at skal kunne koordinere, samordne og samarbeide på tvers av utdanningsnivåa og mellom utdanning og arbeidsliv. Buskerud fylkeskommune og NAV Buskerud ynskjer å samarbeid for å utvikle eit godt tilbod innan karriererettleiing for innbyggjarane i Buskerud. Regionrådet for Hallingdal har delteke i arbeidet og ser på vidareutvikling av karrieresenter i Hallingdal som eit spennande utgangspunkt for å vurdere eit utvida karrieresenter/kompetansesenter i Hallingdal.

I 2015 har Regionrådet for Hallingdal hatt saka oppe tre gonger:

I sak 02-15 Vidareutvikling av karrieresenter i Hallingdal vart det gjort slikt vedtak:

1. *Regionrådet for Hallingdal ser positivt på utvikling av karrieresenter i Hallingdal.*
2. *Det er ynskjeleg at det i det vidare arbeidet blir klargjort nærare for status med dagens ordning.*
3. *Regionrådet for Hallingdal ser det som føremålstenleg at arbeidsgruppa blir samansett med aktuelle ressursar, ut frå forslag om at innhaldet i karrieresenteret kan bli noko utvida.*

I sak 31- 15 vart det gjeve høyringsuttale vedr. utvikling av karrieresenter i Buskerud.

I sak 61/14 fekk Regionrådet presentert rapport «Vidareutvikling av karrieresenter i Hallingdal». Det vart gjort slikt vedtak:

«Regionrådet for Hallingdal ser på framlagt rapport for vidareutvikling av karrieresenter i Hallingdal som eit spennande utgangspunkt for å vurdere eit utvida karrieresenter/kompetansesenter i Hallingdal. Regionrådet ynskjer at det blir gjort utfyllande vurderingar og vil drøfta saka på januarmøte, for å gje innspel til det vidare arbeidet.»

5.18 Nye Hallingdal sjukestugu

Vestre Viken HF ved Ringerike Sykehus (RS) har inngått leigeavtale med Ål kommune om leige av 1450 kvm i det nye ”HSS” bygget på Ål. Leigearealet skal nyttast til ei 20 sengers intermediær avdeling og skal innehalde 10 senger til bruk i spesialisthelsetenesta og 10 senger til primærhelsetenesta i Hallingdalskommunane. Nye HSS skal opne september 2016. Den nye sengeavdelinga er den fyrste av sitt slag i landet og vil bli følgd nøyte frå andre Helseforetak, kommunar og sentrale styresmakter.

I samband med satsinga på Hallingdal sjukestugu skal det også etablerast ein CT-skannar, som er planlagt å vera i drift medio 2016.

For Hallingdal er satsinga på Hallingdal sjukestugu som eit «nærjsjukehus» svært positivt.

5.19 Statlege arbeidsplassar

Regionrådet for Hallingdal har sett i gang eit arbeid med mål å få lokalisert statlege arbeidsplassar til Hallingdal. Det er etablert ei arbeidsgruppe som har som mandat å utarbeide forslag til handlingsplan.

5.20 Uttalar

Hallingtinget har gjeve uttale til følgjande saker i 2015:

- Sak 01-15 Uttale til utgreiing om vegsambanda mellom Austlandet og Vestlandet

Regionrådet har gjeve uttale til følgjande saker i 2015:

- Sak 06-15 uttale; Utkast ny postlov
- Sak 12-15 uttale; Ringeriksbanen og E16 Skaret - Hønefoss
- Sak 31-15 uttale; Utvikling av karrieresentra i Buskerud
- Sak 35-15 uttale; Familievernkontoret i Hallingdal, organisering
- Sak 50-15 uttale; Hallingdal tingrett – felles rettsenter for Hallingdal
- Sak 59-15 uttale; Administrasjonsstad for Sør-Øst politidistrikt
- Sak 60-15 uttale; Regional plan for verdiskapning og næringsutvikling, handlingsplan 2016

6. VERV

Oversikt over div. verv der medlemmer frå Regionrådet er representert:

- Representant til styre for Hallingdal Næringshage: Tore Haraldset
- Representant til styre Forum Nye Bergensbanen: Heidi Granli
- Representant i Hallingdal Ungdomsråd.
- Fagrådet i Hallingdal Etablerersenter: Heidi Granli
- Representantar til Rådet for Fjellnettverket:
 - o Oddvar Grøthe, vara Tor Egil Buøen
 - o Heidi Granli, vara Tore Haraldset
- Representantar til styre for Fjellnettverket: Solveig Vestenfor
- Rådet for SLT-Hallingdal (kriminalitetsførebyggande tiltak)

- Tor Egil Buøen
- Tor Haraldset
- Petter Rukke
- Representant til styre for Hallingdal Folkehøgskule: Solveig Vestenfor
- IS Rv7: styremedlem Tor Egil Buøen
Sekretariatsfunksjon: Knut Arne Gurigard
- Samarbeidsgruppe E16 Skaret – Hønefoss: Knut Arne Gurigard
- Utviklingsforum Buskerud fylkeskommune: Oddvar Grøthe, vara Solveig Vestenfor

7. PERSONELL

Personell knytt til regionrådskontoret pr. 31.12.2015:

- Knut Arne Gurigard, dagleg leiar
- Målfrid Dusegard, sekretær
- Halgrim Merødningen, IKT-koordinator for kommunane i Hallingdal
- Ulrikke Ytteborg, prosjektleiar Hallingdal 2020
- Ellen Stabbursvik, prosjektleiar vannområde Hallingdal og Valdres, samla 100% stilling

8. ØKONOMI

Driftsrekneskapet syner eit rekneskapsmessig overskot på kr. 165.707,25.

Det var budsjettert med totale driftsutgifter på kr. 2.585.000 og inntekter på kr. 2.585.00, inklusive kr. 485.000 i eigeninnsats på prosjekt.

Hovudårsaka til overskotet er i fyrste rekkje prosjektleiing i samband med prosjekt 834 Byregionprogrammet, der det var føresett meir kjøp av tenester. Her vil det vera nødvendig med meir kjøp av tenester i 2016.

Av større budsjettmessige avvik:

- Mindre reisekostnadar både for politisk del og administrasjon
- Mindre til pensjon
- Noko høgare husleige, her skulle det vore vidarefakturert ca. kr. 17.000 noko som vil bli justert i 2016.
- Noko meir eigeninnsats på prosjekt enn budsjettert.

Disposisjonsfond var 31.12.2014 på kr. 737.256,44.

Disposisjonsfond var 31.12.2015 på kr. 629.753,87.

Endringar i 2015 er:

- Underskot 2014 på kr. 18.113,37 er teke frå disposisjonsfond, vedtak i Hallingtinget sak 02/15.
- Finansiering av folkehelsekoordinatorstilling 2015 med kr. 190.244,00 er teke frå disposisjonsfond, vedtak Regionrådet sak 08/15.
- Sal av «Historia om Hallingdal» med kr. 100.854,80 er ført til disposisjonsfond, vedtak Regionrådet sak 47/12.

9. UTFORDRINGAR

Samfunnsutviklinga i Norge er prega av fleire tunge trendar som kan oppsummerast slik:

- Urbanisering og sentralisering
- Internasjonal, nasjonal og regional lokaliseringskonkurrans
- Internasjonalisering og globalisering av marknader og næringar

- Kunnskapsbasert og innovasjonsdriven næringsutvikling
- Individualisering og sjølvrealisering
- Digitalisering av produkt, tenester og kommunikasjonsformer

Urbanisering og sentralisering fører til at folk blir trekt mot større byar og at store institusjonar blir slått saman og blir samlokalisert. Internasjonalisering og globalisering fører til at marknadane blir større og rykker nærare. Samtidig blir konkurransen hardare, ikkje berre i produktmarknadane, men også i konkurransen om å tiltrekke seg kompetanse, bedrifter og kapital. Sagt på ein annan måte leiar globalisering til stadig større lokaliseringskonkurranse.

I denne verkelegheita står Hallingdal, som dei fleste distriktsregionar, overfor nokre utfordringar, både når det gjeld befolkningsutvikling, næringsstruktur, arbeidsplass-/sysselsettingsutvikling og avstandsulemper.

Kvart år er det ein flyttestraum ut av Hallingdal, spesielt prega av unge menneske som flytter til byar som Oslo eller Bergen, for å studere. Dei fleste kjem ikkje attende. Som for dei fleste distriktsregionar er det innvandring som gjev Hallingdal ei viss positiv befolkningsutvikling.

Sjølv om Hallingdal fram til no har vore skåna for dei store dramatiske endringane som kjenneteiknar typiske uttynningskommunar, er det fleire varselamper som må takast på alvor. Det er mange trusselbilette t.d. utflytting, mangel på arbeidsplassar for folk med høgare utdanning, stadige forsøk på sentralisering av statlege arbeidsplassar og endra rammevilkår. For distrikta og spesielt for ein reiselivsregion som Hallingdal vil det vera naudsynt med eit godt utbygd kommunikasjonsnett.

Hallingdal har som dei fleste regionar sterke sider som gjer eller kan utviklast til konkurransefortrinn. På same måte er det svake sider som kan vera ulemper og som gjev utfordringar. Regional utvikling handlar om å skape levedyktige og attraktive lokalsamfunn, kommunar og regionar. Det må være arbeidsplassar, infrastruktur, skuletilbod, fritids- og kulturtilbod med variasjon, mangfald og god kvalitet slik at folk vel regionen, kommunen eller lokalsamfunnet som sin livsarena.

Nokre av hovudutfordringane for Hallingdal kan oppsummerast slik:

- Behalde levande lokalsamfunn
- Oppretthalde folketalet med balanse i alderssamansetning og kjønnsfordeling.
- Å legge til rette for omstilling, nyskaping og kreativitet.
- Å synleggjera Hallingdal sine mogelegheiter og behov overfor sentrale styresmakter.
- Å ta vare på det beste i Hallingdal sin kultur og tradisjon.
- Å styrke samarbeidet og bygge nettverk internt og eksternt.
- Å auke kompetansenivået.
- Sikre god kommunikasjon

Strategisk plan for Hallingdal og Byregionprogrammet vil ta tak i desse utfordringane og har prøvd å setja fokus på omsyn til bulyt/blilyst, arbeidsmarknad, kunnskapsmiljø og næringsliv. Hallingdal sin attraktivitet som buområde og for næringslokalisering skal styrkast.

Ungdommen er den viktigaste ressursen i det framtidige Hallingdal. Me treng ungdom som kan og vil omstille og nyskape ut frå eigen kompetanse og ut frå lokale ressursar og behov. Regionen må arbeide aktivt for å gje ungdommen innsikt og tru på ei framtid i Hallingdal. I

denne sammenheng er fleire av tiltaka i strategisk plan viktige verktøy. Hallingdal Etabelerersenter og Hallingdal Næringshage er døme på aktive medspelarar i dette arbeidet.

Profilering av Hallingdal som ein samla region vil kunne få stor verdi i framtida. Også i næringslivssamanheng, ikkje minst innan reiselivet vil dette ha mykje å seia. Overfor fylke og stat og ulike vesen og etatar vil det i mange samanhengar vera ei styrkje å opptre som ein samla region. For at det regionale samarbeidet skal lykkast er det behov for dialog, betre informasjon og synleggjering av kva Regionrådet arbeidar med, både i forhold til det politiske miljøet og Hallingdal generelt.

For å lykkast er det nødvendig med godt samarbeid på alle nivå i tillegg til gode alliansepartnarar.

Viktige saker i 2016 er m.a:

- Revidering/oppfølging/gjennomføring Strategisk plan for Hallingdal
- Gjennomføring Byregionprogrammet, fase 2
- Regional organisering, vidareutvikling av det interkommunale samarbeidet
- Hovudvegsamband aust – vest
- Nasjonal Transportplan (2014-2023) med dei konkrete prosjekt som er viktige for Hallingdal. Oppfølging av forslag til Nasjonal Transportplan 2018 – 2029.
- Oppfølging av arbeidet med regional planstrategi for Buskerud fylkeskommune
- Gjennomføring av partnerskapsavtala med Buskerud fylkeskommune
- Hallingdal 2020
- Rekruttering og kompetanseheving
- Følgje opp utfordringar i forhold til næringslivet i Hallingdal.

Hallingdal 17.4.2015